

Lenghis.me, un cors online par imparâ a doprâ il strument informatic plui inovatîf pe didatiche de lenghe furlane

ARLeF eUSR a promovin la formazion pai docents de scuele primarie, che si fasarà in trê apontaments. Iscrizions dentri dai 10 di Novembar

“Lenghis - Ladint Laboratori di didatiche” (lenghis.me), l’innovatîf strument informatic pe didatiche de lenghe furlane, taliane e inglese, realizât dal Claap – Centri di Linguistiche Aplicade “Agnul Pitane”, al è stât potenziât e insiorât cun contignûts gnûfs. Si trate di un projet che al ufris un contribût in plui ae domande dai insegnants di podê doprâ struments didatics modernis e interatîfs.

Par chest, la Agenzie Regjonâl pe Lenghe Furlane – ARLeF, che e finanzia il projet, adun cul Uffici Scolastic Regjonâl, cun chê di permeti ai **insegnants de scuele primarie** di cognossi ad implen dutis lis potenzialitâts di chest strument, a promovin il **cors di formazion e sperimentazion online** “L’ûs de biblioteche didatiche digjitâl di Lenghis - Ladint”. L’inornament al è dividût in trê incuintris – **miercus ai 17, ai 24 Novembar e il 1ⁿ di Dicembar**, des 17.00 aes 18.30 - tignûts dal professôr Adrian Cescje, adun cun cualchidun dai membrs de Comission Didatiche Lenghis – Ladint, e ativât su la plateforme GoToMeeting.

In particolâr, a saran ilustrâts la struture e i contignûts de Biblioteche didatiche digjitâl, o ben i sussidiaris didatics pes diviersis dissiplinis di insegnament che le costituissin, e lis modalitât di ûs des ativitâts proponudis des diviersis schedis di aprendiment.

«Tes setemanis passadis o vin dât fûr i materiâi didatics a ducj i Istitûts dal teritori furlan. La nestre ativitât di poie ae valorizazion de lenghe furlane te scuele e va indenant cence padin – al à marcât il president de ARLeF, Eros Cisilino –. Il Claap al à providût a slargjâ e perfezionâ i contignûts di lenghis.me, un strument informatic prezios, facil di doprâ e cuntun potenziâl une vore grant dal pont di viste dal plurilinguism. Cumò, cun chest cors destinât ai docents de scuele primarie, l’obietîf al è chel di fâ cognossi, a cui che al varà di doprâ par prin chest mieç, la puartade plene di chest portâl che, o soi sigûr, al sarà simpri di plui un supuart ae ufierte formative».

Tai prins doi apontaments si mostraran, ancje cun simulazions di pueste, lis modalitâts di ûs dai sussidiaris de Biblioteche di Lenghis par inviâ percors didatics su argomenti di nature leterarie e sientifiche. Il tierç, invece, al sarà strutturât tant che un Focus group, cun chê di inviâ un confront su lis esperiencis di ûs di Lenghis-Ladint.

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: arlef@caltpr.it

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<

La iscrizion si à di fâ – dentri di miercus ai 10 di Novembar - registrantsi al link <https://forms.office.com/r/nQABZMSfq2> . Sierade la iscrizion, ogni participant al riceverà il link par acedi ai incuintris. Cui che al parteciparà a duçj i incuintris al varà dirit a un atestât di frecuece.

Il program dal cors si pues lei sul sît www.arlef.it .
Par ogni altre informazion si pues scrivi a scuele@sportelfurlan.eu

Udin, ai 3 di Novembar dal 2021

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / **e-mail: arlef@caltpr.it**
Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<